

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43	Issue No. 30	Ramhlun North: Ni 26 July, 2025
BRANCH THU THAR ■ Central YMA Futsal Tournament-a kan Branch aiawh turte: Coach: Lalrawngbawla, C-Sec. Asst. Coach: David Zodintluanga, V-Sec. Manager: C. Lalnuntluanga, C-Sec. OB Incharge: Pu Lalrochama, Vice President Player-te: 1. Vanlalmawia, N-Sec. 2. Samuel Ramdintluanga, S-Sec. 3. Dominic Lalmuanpuia, V-Sec. 4. PB. Lahuapzaua, V-Sec. 5. Lalmuanchhana, S-Sec. 6. Laltluangkima, K-Sec. 7. Malsawmtluanga, K-Sec. 8. Lallawmawma, K-Sec. 9. Lallawmsanga, K-Sec. 10. Lalrammuana, C-Sec. 11. Lalruatlana, N-Sec. 12. Lalmuanawma, T-Sec. 13. G. Vanlalawmpuia, C-Sec. SUB.COMT THU THAR ■ Library Sub-Committee: YMA Library tihchangtlun nan vawiin khan Children's Corner tur siamin Library committee member-te an hnatlang. Pu Vanlalhruaia C-Sec. leh Pu Thandinglana, Fin. Secy. RNYMA-ten hnatlang hi an pui. ■ Property Sub-Committee: Tunkar khan vengchhung hmun hrang hrang a Tlangauna chhiate siamthain an hnatlang. SECTION THU THAR ■ Saizahawla Section: Radio-a record tur Drama tunkar khan an zir a, karleh hun remchangah zir leh tur a ni a, a rem chuan recording tih tum a ni a, a tel turte remchang lo insiam hram turin hruaituten min ngen e. ■ Khuangchera Section: Hun rei tak chhung Khuangchera Section Runmawi Signboard chhia/tlabal tawh chu Pu Malsawmzuala Ralte, ECM chuan tlawm tak leh mawi takin min siam sak a, Pu Lalremsanga, ECM chuan vuah man phut miah lo in min vuah kai sak mai bak ah, kawngkapui ruah theh theih tawh loh turin min siam tel sak bawk a, an chung ah lawmthu kan sawi e.	Ramhlun North Beautification Club (Kum 2025-2027 hruaitu turte) Ramhlun North, the 26th July, 2025: Ramhlun North Beautification Club chuan kum 2025 atanga 2027 hruaitu thar an in dinfel leh ta. Office Bearers list chu issue hmasa lamah kan rawn tarlang tawh a, hengte hi kan hruaitu tur an ni dawn a ni. Advisers : 1) Pu VL. Zahawma 2) Pu R. Lalrinmawia 3) Pu V. Lalnunmawia 4) Pu K. Lalmuansanga Legal Adviser : Pu R. Lalremruata Ex-Officio : 1) Dr. Vanlalthlana, Bialtu MLA 2) Pi C. Lalehhandami, Corporator, AMC 3) Pu Lalmalsawma Sailo, Chairman, LC 4) Pu Laldinglana Sailo, President :YMA 5) Pi Lalmuankimi, President, MHIP 6) Pu Vanlalnghaka Zote, President, MUP Committee Member te : 1) Pu Jonathan C. Lalrintluanga 2) Pu Lalrinpuia 3) Pu Malsawmthara 4) Pu KC. Lalramluahpuia 5) Pu LP.Lahlhimpuia 6) Tv. Zodinglana 7) Tv. H. Lalrosanga 8) Tv. K. Lalehhanhima 9) Pu David Lalrinawma 10)Pu Lalruatsanga 11)Pu A. Lalfakzuala 12)Pu Henry Vanlalnghilhlova 13)Tv.K.Lalmuanpuia 14)Pi Laldusaki Thomte 15)Pi Runrinawmi 16)Pi Lalmachhuani 17)Pi Lalawmpuii 18)NI. Glory Lahlupuii 19)NI. Zairemtluangi 20)NI. Zoliansangi 21)NI. Lalnunpuui Pachauau 22)NI. Lallawmzuali Ralte 23)NI. Mynah Lalrinmawii 24)NI. Nancy Lalmunzauvi 25)NI. Rebecca Vanlalrochampuii Hmalakna hmasa atan tukin ni 26.7.25 (Inrinni) khan Ramhlun North Gate (Rozama Step, RSC Field ep) a mi chu hawn a ni a, Pu Lalmalsawma Sailo, Chairman LC in a hawng a ni. He hunah hian Local Council member te bakah YMA, MUP, MHIP, RSC te atangin OB remchang an tel a. Pu VL. Zahawma, Adviser, RNBC in tanngtaina hun a hmang bawk a ni. MLA Fund atanga he gate hi siam a ni a, Dr. Vanlalthlana, Bialtu MLA chungah RNBC hruaitute chuan lawmthu an sawi takzet a ni. Vengchhung faina leh mawina kawngah hmalak chhoh zel tum a ni. Tin, Gate hi Ramhlun North ta anih angin mitin ten a venhim leh vawnfaina kawngah hma lakpui turin RNBC Committee chuan min ngen a ni e.	RN YMA FUTSAL Mizoram Football Association leh Central YMA tangkawpin an buatsaih LBS Suzuki 1st Inter Branch YMA Futsal Tournament chu ni 25.7.2025 (Zirtawpni zan) khan Central YMA Hall, Tuikhuahtlangah pet hawwna leh fixtures tlangzarhna neih a ni. July ni 28 atangin R. Dengthuama Indoor Stadium, Mualpuiah khelh tan a ni dawn a. Knock out hmanga khelh tur niin 1st round atanga round of 16 thlang hi hun tihtawp loh (time running) in khelh a ni ang a. Quarter Final atangin hun tihtawp lailawk (time stop) khelh chhoh a ni thung ang. He futsal tournament-ah hian team 114 telin kan veng Branch YMA Futsal team-te hi group D-ah an awm a, Group D-ah hian team 14 an awm. Kan Branch Futsal team te hian khelh hmasak berah Hmuntha Branch YMA, ni 30.7.2025 (Nilaini) dar 10:00 AM ah an tum dawn a, heta an chak chuan 2nd round-ah Electric Veng leh Aibawk Branch YMA chak zawk zawk an tum leh ang. Kan Branch YMA Futsal Team hian theihtawpin inpuahchahna an nei chho mek a, sang tak thlang turin Mayrma Editorial Board chuan duhsakna kan hlan e.



PEM LEHKHA

Mihring pung zêlah mi leh sa inchian a harsa tawlh tawlh a, suahsualna a pung zêl a. Kan khawtlâng hi thianghlim se titute tân chuan a luhaithlâk ta fo mai. Khawtlâng kan invawn theihna pawimawh, a bul ber chu mi leh sa inhre chiang tura vêng chhunga lo awm tharte a theih ang anga lo hriat chian nâna pêm lehkhâ/ testimonial neihtîr hi a ni. Hei hi YMA duh dân mai a ni lo va, Local Council order dîng lai a ni.

Pêm lehkhâ/ testimonial chungchâng hi kan sawi zing ta viau mai. Thenkhat tân chuan ninawm khawp a ni ta. Heti chung hian pêm lehkhâ/ testimonial nei lova lo awm an tam tak êm avângin branch chu a mangang a, Executive Committee-ah hial agenda-a chhawp chhuakin hma a la ta a, hêng mite hi dap chhuakin hun tiam chhunga lo nei tura tih an ni a. Chuti chung chuan lo la ngaihsak lo, inthiar fihlim tura tih ngai kan la awm cheu mai!

Pêm lehkhâ/ testimonial nei lova awmte hi an thiam lo kan tih rualin, a mawh phurtu ber zâwk chu in neitute hi an ni. Vawi tam tak ‘in luah tur neite’n an in luahtu turte pêm lehkhâ an phût hmasa tur a ni’ tiin kan inngên tawh a. Ngaih pawimawh a hlawh thei lo a ni ber.

Vêng chhûngah in leh lo rawn dina rawn pêm hi chu tlêm tê an ni ang a, a tam ber hi chu mi in rawn luah an ni. YMA/All NGO/Local Council duh angin pêm lehkhâ nei lo chu tu mahin in luahtîr lo hmak thîn ila chuan hetiang tak hian YMA kan buai lo tur. YMA ngenna zah lova engah maha ngai lo kan awm thîn hi chu a mak ngawt mai. tawng khaw lo ni suh se, chhiat tâwk ila, kan beisei leh inghahna tur chu YMA a ni. Kan mamawh, a lova kan awm theih loh pâwl ngenna kan han pawisa duh miah lo thîn hi chu a mak a ni.

Pêm lehkhâ/ testimonial nei lote an in lo luahtîrtute hi hrem ve hmak hmak mai hi a tûl hun a la awm ngei ang. YMA-in an in luahtute an lo chhuahtîr a tûl ta a nih pawhin, “In luah man an la ba si a, mìn lo hriat thiam sak teh u, chuti khati...,” an ti tur a ni lo vang, an chân a tûl a ni mai.



PÛKLEHLÁNG

Pûklehláng hi Samthang ram, Muallungthu ram mawnga awm a ni. Samthang khua aţanga kilometre 5 vela hla-a awm niin Champhai aţang chuan kilometre 75 vel a ni. Pûklehláng hi lung bang, 10ft zeta chhah, 20ft vela sang leh 100ft vela sei a ni. A sir lam deuhah chuan verh luih ang maiin pûk chu a kaw tlang a, inkal pawh nan a remchang hle. Pûk ropui leh hmuhdawm tak chu ni lem lo mahse a phena Mizoram leh hnam inhmangaihna inphum tel tlat avâng leh chung ram hmangaihntute sulhnu hlu tak tak la awm te avângin a ngaih hlutawm a ni.

Pûklehláng ah hian kum 1967 khan, Mizo hnam pasalthate ram leh hnam tana rammu in an inkulh a, an kulh hmingah 'Fiara tui Kulh' an ti. He hmunah hian Pathian an biakna hmunah lung rem khawma Maicham (Pulpit) an siam te, Chairman Thutna atana an lung remte leh mipui thutna atana an lung remte hmuh theihin a la awm a, ram leh hnam hmangaihna puan chhuahna thu, lungpuia an kerte pawh chhiar theihin a la awm.

Miin a theih tawp chhuaha thil a tih chu a phak tawka hniam emaw a sang emaw a ngaihsanâwm a, a thil tih chuan midangah rah tha a chhuah tam lo a nih pawhin amahah tal rah tha tak a chhuah thîn. Kan pi leh pute'n thisen leh nunna tam tak hloh a, mahni nawmna pawh zawng hlei thei lo leh hrehawm pawh pawisa lova an lo humhim sa kan Zoram chu 1890 aţang khan Bristish ho chuan hmanrua leh ralthuam tha tak tak hmangin an rawn hnehchhuh a. Mizo ram mah ni se, Sap rorelna hnuaiah kan lo awm a, khaw tinin lal nei mah ila, khua zawng zawng chu sap rorelna hnuaiah a awm ta a ni.

Kum 1966 aţangin ram a buai a, kan ram leh hnam tana bei tura thawk chhuak ho te chuan India âwp behna ata tal chhuak thei turin theih tawp an chhuah a. An tan chhan hrang hrang hmanga tha rum tel lova an thil dil chu tih hlawhtlin a hnekin an hrutute chu man a ni ta zawk a. Thua sawi fel theih mai nia an hriat tak loh avângin 'Pathian leh kan ram tan' tiin Mizo ram leh hnam zalenna atan silai nen an rammu ta a. Chutianga Mizo hnam leh ram tana thawktute chu India sipai lam chuan man tumin an veh reng a, hnam sipai leh India sipai inlambunna leh inkahna chanchin hmun hrang hrangah hriat tur a awm. Khaw chhunga an awm ngam loh avângin hnam sipaite chuan puk remchang leh hmun biru laiah awmhmun an khuar thîn a. Chung camp hrang hrang zingah chuan kum 1967 a dîn, 'Fiara tui Kulh', Samthang ram Pûklehláng hi a ni a, he pûk ah hian rambuai laia hnam sipaite sulhnu tam tak hmuh tur a la awm a ni.

Chutih rualin he Pûklehláng lung lian tak pakhat bangah hian, Pu Keihawla Sailo in "Aw! Unau, a politik Lalram zawng hmasa la, thil dang zawng zawng chu tah chuan a awm," tiin a lo kêr baw, hengte pawh hi

chiang lo ruai chuan hmuh-a tur a la awm. He thu-a Politik Lalram a tih hi tu kan sawi chhiatna lam ni lo se, tun laia kan party politik nen hi chuan khaihin chi niin a lang lo. A chhan pawh hetiang hian sawi ta mai ila -

Kum 1968 khan HK. Bawichhuaka chu helicopter in Khawbungah a rawn kal a, mipui tam takin lo hmuakin khaw thenawm VC te pawh an kal nual a. Hemi tuma HK. Bawichhuaka'n, "Ramhnuaite mite hi lo tanpui lo ula, buaina hi han reh se, India sawrkar hian hmasawna kawng tin rengah min vur a tum a ni," ti-a a thusawi Keihawla'n a lo hriat chuan rilru na em em in a vaibel dawn chu a seh keh ta rap mai a. Chu thu rawn thlenttu Samthang VC te hnenah chuan a chhan a sawi chuang lovin, "Tuboh leh Thirkhen min rawn hawh ula, Bawichhuaka chhanletna tur atan," a ti ta ngawt mai a. A chah ang ngeiin Samthang VC te chuan Keihawla, Deputy Commissioner hnenah chuan tuboh leh thirkhen chu a pe ta a. Pûklehláng lung pang, thu kerna tur remchang a zawn a zawn hnu leh hmun dang tha zawk a hmuh tak ngâng loh avângin ek nana an hman thîn, lungpui pang rem lai takah chuan Bawichhuaka thusawi a chhanletna thu, **"Aw! Unau, a politik Lalram zawng hmasa la, thil dang zawng zawng chu tah chuan a awm. By order of D.C 19.9.1968,"** tih chu a ziaak ta a. Hemi thu ziaak tur hian ni thum zet hun a hmang a. A ziah zawh ni chiah hi a ziaaktu pian cham a ni nghal baw.

Pûklehláng hi Samthang aţanga kilometre 6 vela hla-a awm a ni a. Motor kawng tlawh chu sawi loh, heng hunlai phehi hi chuan bawng kawng tum tak ngial pawhin a tlawh lo va, thehlei leh ramsa dang kawng tum bak hmuh tur a awm lo. Lui kamah, kham chhengchhe tak, lungpui hling leh hrui hnawkin a bawm, lo atan pawha neih ngai loh, awih ten, Chhura rual zet zet tur thing awm khupna hmun a ni. Chung hmunah chuan nunna tam tak leh thisen tam tak senga lo luahtute ni lo, intineitu em em si te hlauvin a neitu zawk chu tawm a ngai ta a ni. Tun mai atana nawmna zawng ni se, heng hmunah hian khang Mizo ram leh hnam tana awm hmun khuartute kha a awm hauh lovang. Chu chuan nuamsa taka kan awm heuh heuh laia miten ram an lo hmangaih zia a tarlang chiang hle.

Chutiangan, MARYMA khawthlir-a ka'n chhuah chhan Pûklehláng hmuna Mizo hnam leh ram hmangaihntute sulhnu hnutchhiah leh ram hmangaihna thu ziaka an hnutchhiah hi tûnah hlu viauin lang rih lo mahse, khuareiah a la hlu telh telh ngei ang. A ram neitu khua chauh ni lovin sawrkar ang pawha humhalh leh vawng him tura hma lak a duhawm in a pawimawh hle.

Airtel



**Internet Connection
la duh tan biak theih reng kan ni e.**

Ph:8414014411 / 9366814911

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalnuntluanga, Vanengmawia

Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma

Circulation Managers: PB Lahuapzauva, Samuel Lalhlupia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
ZIN & HAW ■ Pu Lalfamkima Ex-President, Vellore-a in check-up a kal chu dam takin an lo haw leh ta. ■ Nl. Elizabeth Lalnuntluangi, ECM chu hna thilah Kolasibah a zin. ■ Pu Emanuel Lalmuankima Sailo, T-Sec, hna pawimawh buaipuia Delhi-a zin chu a lo haw leh ta. ■ Pu Sanghleia te chhung, K-Sec. chhiat tawhna avanga N. Chaltlang a zin chu an lo haw leh ta. ■ Pi Thangmani, K-Sec. chu in check-up turin New Delhi-ah a kal. ■ Pu Lalmunsiamia Varte, C-Sec. chu Kolkata-ah treatment la turin an kal. ■ Pu Lalhnehliana, K-Sec. Kolkata-a in check-up a kal chu dam takin an lo haw leh ta. ■ Pu Lalrampana, K-Sec. chu in check-up in Kolkata-ah an kal. A fapa Pu Lalrinfela Varte in a hruai. ■ Pu Lalmuanzova, V Sec. Shillong-a zin chu a lo haw leh ta. ■ Pi Zopari w/o Hlunchhunga (L), V-Sec. Kolasib a zin chu a lo haw leh ta. CENTRAL YMA THU ■ Central YMA Office-ah Hmar Youth Association, Manipur hruaitute an rawn leng a, Central YMA OB ten an lo dawng sawng. Tun hnaia ruah sur nasa vanga Mzioram hmun hrang hranga chhiat tawkte tanpuina tur Rs. 2,50,000.00 Central YMA ah an rawn hlan bakah, Manipur tualchhung boruak an sawi ho. ■ Assam Rifles DIG-in lenga a sawm angin, Prof. Malsawmliana Gen. Secretary, Pu Vanlalsawma CEC, Pu PB. Lallawmzuala CEC te a Office-ah an leng a, Civil Services Coaching Centre din tur chungchang an sawi ho. ■ Pu Vanlalhruaia (33) S/o Vanlalsanga (L) Zemabawk East chu Chawhnu dar 1:30 velah Tuirial lui, Khawruhlian kai thlang, Mausin lui chhuah bulah a tla a, a ruang zawnpui tura Central YMA an rawn ngen angin, Central YMA Disaster Response Team (CDRT) ten a hmun an pan nghal. A ruang hi 25.7.2025 zing dar 5:00-ah hmuh a ni. Kan branch atangin zawnnaah hian Pu Lalrochama, Vice President leh Pu Rorelliana, Treasurer te an tel.	DAM LO ■ Pu Joseph Ngursailova, S-Sec. chu taksa chak lohna vangin Synod Hospital, Durtlangah enkawl mek a ni. ■ Pu Salem Lalremsiamia, K-Sec. chu Agape Hospital ICU-ah enkawl mek a ni. ■ Pu Daniel Lalthianghlina, C-Sec. chu Nazareth Hospital atangin a lo chhuak. ■ Pu P. C. Biakngheta, T-Sec. Nazareth Hospital-a awm chu in lama inenkawl chhunzawm turin alo chhuak. ■ Pu T. Lalramchhana s/o T. Thangdela, S-Sec. chu Nazareth Hospital-ah enkawl mek a ni. ■ Malsawmhlua s/o Benjamin Lalbiakmuana, C-Sec. chu LRM Hospital atangin dam takin a lo chhuak leh ta. ■ Nl. Lalrindiki Kawlni d/o Vanlalkima, V-Sec. chu rannung seh avangin in lamah enkawl mek a ni. ■ Pu Benjamin Lalduhawma, N-Sec. chu rannung seh avangin in lamah enkawl mek a ni. ■ Malsawmhluzuali d/o C. Lalthanzama, S-Sec. Synod Hospital, Durtlanga zai chu dam takin a lo chhuak leh ta. ■ Pu C. Vanlalana, T-Sec. chu ZMC & H, Falkawnah enkawl mek a ni. ■ Pi Kapkimi w/o H Rothanga, V Sec. Synod Hospital, Durtlang ah mit (Eye) zai a ni. PAWL DANG Ramhlun North Football Club : Independence Day Football Tournament khel turin Ramhlun North Football Club ten inbuatsaihna an an kalpui mek a. I - Day Tournament atan khawtlang mipuite'n puihna an pe mek zel a, Tanpuina lo pe te chungah Football Club Hruaitute an lawm hle. Tanpuina pe duh te tan Gpay no. 8414963239 (Malsawma) ah a pek theih reng e. Ni 29.7. 2025 (Thawhlehi) tlai dar 3:00 hian match hmasa ber Kanan FC nen an khel dawn bawk a ni. Ramhlun Sporting Club: Nizan 25.07.2025 khan RSC Executive Committee vawi 2-na YMA Committee Room-ah neih a ni. RSC Field thuam that dan tur te, light siamthat dan turte leh tun season atana hmalak dan tur hrang hrang an rel. KOHRAN ■ The Salvation Army: Naktuk Ni 07.07.2025 hian YP inkhawmah Solo Competition an nei dawn. Lawmman tha tak siamsak an ni dawn a ni. Category I: Beginners, Primary & Junior Department Category II: Intermediate & Senior Department	LAWMAWM ■ Nl. Lalremruati d/o Pi. Lalenpuii C-Sec. tunu chu BDS (Bachelor of Dental Surgery) First Div.-ah pass in Subject hnih ah letter a hmu. ■ Tv. Rocky Lalremtlunga s/o Biakhmingthangi, S-Sec. chu Corbet Football Club, Uttarakhand Junior-a khel turin a tling a, Subroto khel tur zawnnaah an Champion nghal avangin Uttarakhand State aiawhin National Junior B.C Roy Trophy Madhya Pradesh a khelh tur ah thlan a ni. BC Roy Trophy an khelh zawh ah Subroto khel turin Bangalore-ah a tlang leh ang. ■ Pu Laldawngliana, C-Sec. Sr. EE (P&E) Serchhip chu Promotion Order chhuakin Selection Grade MES(Electric Wing) ah niin S.E (Planning) C.E (Distribution) hnuaiah post a ni. ■ Nl. Esther Lalnunthari Hrahse d/o Joseph L Hrahse (L) C-Sec chu M.A (PA) 1 Div. (5th Position) ah a pass. ■ Nl. B. Lalremchhungi d/o PB.Lalramthanga, M.Sc (Geology) tha takin a pass a, 7 th Position a ni. ■ Lalengzauva, K-Sec. leh Lalmuanpuii, Sakawrdai te chu ni 26.07.2025 (Inrinni) khan Ramhlun East Presbyterian Kohhran Hall-ah an in innei. ■ Nl. Lalzikipuii d/o Zodinsangi N-Sec. chu MA Eng 1st-ah pass in 6 na a ni. LOCAL COUNCIL ■ Vengchhung ran vulhtuten thenawm khawveng tana rimchhia leh hnawksak lo tura khuahkhirh hram hram turin kan inngen e Ui khuahkhirh hnua ui chhuak 20 dawn man an ni tawh a, ui vulhtute fimkhur leh zual turin kan inchah nawn leh a, man tawh hnu man nawn leh ngai phei chu awm tawh lo se a duhawm hle. THILDANG Ruang chhuak: Lalhlupuii K-57, chu ni 25.07.2025 khan Civil Hospital, Aizawlah a boral a, a ruang hi Hospital atangin an khua Kolasib panpui nghal a ni. A ruang latu hi Pu K. Vanlalhruaia, C-Sec. a ni. Insawn: Pu Lalbiaktluanga, V-Sec. te chhungkua chu an insak thar an kawmthlangah an insawn fel ta. Tin, a fapa Pu Lalrokhawma, V-Sec. te chhungkua chu a pa te inhlui lamah an insawn chho ve thung. ADMISSION OPEN ABACUS ZIRNA HAWN A NI LEH TA I FATE HMAKHUA I NGAIHTUAH EM ? An thluak leh rilru ti chaka, an zirlaia hmasawn nan leh mahni inrintawkna an neih theih nan I Fate rawn kal tir ve rawh le... Class Tan Hun : 9th August 2025 Zir Thei Chin : Kum 7 - 13 Class Timing : Inrinni apiang in 12:30 pm - 02:30 pm Study Center • Grace Academy, Kulikawn • Living Stone School, Dawrpui Vengthar • St. Lawrence School, Ramthar Veng • Ar-Elis School, Chaltlang • Genesis English School, Bethlehem Veng • Holy Mission School, Bungkawn Veng • Tiny Tots School, Tuikhuahtlang • Neuhof School, Chanmari • Willow Mount School, Durtlang Leitan Inrinni-ah chauh Class neih tur a ni CONTACT ZoCareer Mastermind Abacus Ph : 7085 787 273/ 8414 913 060

